

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-49-24204/18
Sarajevo, 25.12.2018. godine

Na osnovu člana 70. Zakona o javnim nabavkama ("Službeni glasnik", br. 39/14), člana 3. Pravilnika o uvjetima i načinu korištenja e – aukcije ("Službeni glasnik BiH", br. 66/16), u konkurentskom postupku javne nabavke – usluge održavanja računarske opreme za potrebe Općine Novi Grad Sarajevo, objavljenom na Portalu javnih nabavki, broj obavještenja 422-7-2-276-3-154/18 od 30.11.2018. godine, na preporuku Komisije za javne nabavke roba i usluga od 21.12.2018. godine, Općinski načelnik, donosi

ODLUKU

1. Prihvata se ponuda «ASPO RAIL» d.o.o. SARAJEVO sa najnižom cijenom tehnički prihvatljive ponude u iznosu od od 19.868,94 KM sa PDV-om, u predmetu javne nabavke – usluga održavanja računarske opreme za potrebe Općine Novi Grad Sarajevo, u konkurentskom postupku, objavljenom na Portalu javnih nabavki, broj obavještenja 422-7-2-276-3-154/18 od 30.11.2018. godine.

2. Zadužuje se Služba za zajedničke poslove da obavijesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.

3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

O b r a z l o ž e n j e

Postupak javne nabavke – Usluga održavanja računarske opreme za potrebe Općine Novi Grad Sarajevo, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka, objavljenog na Portalu javnih nabavki, broj obavještenja 422-7-2-276-3-154/18 od 30.11.2018. godine.

Uvidom u Izvještaj i preporuku Komisije za javne nabavke roba i usluga, utvrđeno je:

- da je Zapisnikom sa otvaranja ponuda od 13.12.2018. godine konstatovano da su pristigle dvije ponude i to:

- IMTEC d.o.o. Sarajevo, sa ponudom u iznosu od 19.095,98 KM sa PDV-om,
- ASPO RAIL d.o.o. Sarajevo, sa ponudom u iznosu od 19.868,94 KM sa PDV-om,
- da je Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku utvrdila da ponude ponuđača ASPO RAIL d.o.o. Sarajevo ispunjava kvalifikacione uslove specificirane tenderskom dokumentacijom,
- da ponuda ponuđača IMTEC d.o.o. Sarajevo ne ispunjava uslove iz tačke 3.2.1. pod tačkom 8. tenderske dokumentacije, odnosno da nije dostavljena lista izvršenih ugovora ponuđača koji su u vezi sa predmetom nabavke, a koji su realizovani u posljednje tri godine sa vrijednostima, datumima i primaocima usluga kao dokaz da je dobavljač uspješno izvršio najmanje jedan ugovor koji za predmet ugovora ima **usluge** koje su u vezi sa predmetom nabavke, vrijednosti najmanje 20.000,00 KM i najmanje jedna potvrda za ugovor koji za predmet ugovora ima **usluge** koje su u vezi sa predmetom nabavke, vrijednosti najmanje 20.000,00 KM sa PDV-om, a koju je izdala ugovorna strana (referens lista kao i potvrde o uspješnoj realizaciji ugovora se odnose na isporuku i instalaciju opreme, dok se predmetna nabavka odnosi na **usluge** održavanja računarske opreme) kao i iz tačke 10. tenderske dokumentacije – certifikati servisnog osoblja nisu prevedeni na službeni jezik BiH od strane stalnog sudskog prevodioca.

Obzirom da se radi o konkurentskom postupku, objavljenom na portalu javnih nabavki, da su pristigle dvije ponude od kojih jedna ispunjava kvalifikacione uslove specificirane tenderskom dokumentacijom, to se neće provoditi e – aukcija, shodno članu 3. Pravilnika o uvjetima i načinu korištenja e – aukcije, te je primijenom kriterija «najniža cijena tehnički prihvatljive ponude», na Preporuku Komisije za javne nabavke roba i usluga, a shodno članu 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

Općinski načelnik

mr Semir Efendić